
Фурқатлик Гулжаҳон иккинчи бор жаҳон чемпиони унвонига сазовор бўлди

16-18 июнь кунлари Қозоғистонинг Остона шаҳрида қўл жанги бўйича жаҳон чемпионати бўлиб ўтди. Ушбу нуфузли мусобақа Ж.Ушкемпиров номидаги яккаураш саройида ўтказилди. Жаҳон чемпионатида 30 га яқин давлатдан 300 дан ортиқ энг кучли спортчилар иштирок етди.

Спортчилар “Дуэл”, “Ўз-ўзини ҳимоя қилиш” ва “1+1” йўналишлари бўйича Жаҳон чемпиони унвони учун кураш олиб боришиди.

Ушбу жаҳон чемпионатида Ўзбекистон терма жамоаси аъзоси Миллий гвардия ҳарбий хизматчиси фурқатлик Гулжаҳон Норматова ҳам муносаб қатнашди. Спортчимиз 53 кг вазн тоифасидаги финал жангига Қозоғистонлик рақиби Айан Турсенни мағлубиятга учратиб, икки карра жаҳон чемпиони деган номга сазовор бўлди. Ватанимиз байроғини юксакларга кўтарди.

Фурқат тумани ҳокимлиги ушбу спортчимизни эришган муваффақиятлари билан самимий қутлаб, кейинги мусобақаларда ҳам совриндорлар қаторида бўлишларини тилаб қолади.

2023-06-20 16:28:37